

越縵堂日記

第二十一冊

桃彎聖解盦日記

癸集紀甲戌六月



同治十

五年甲戌夏六月十一日壬午晨至午暝午後忽霽小雨旋止晡後霽

暝不定

陳芟聲濮紫泉兩同年來

鬢頭

有新分吏部

主事戴錫鈞來不晤

王松谿同年來

趙心泉同司來

作書

致子鎮并和韻詞一闕

得李若農師書以蔣約夫賻銀十兩

屬轉交即復

郎鈔總管內務府大臣誠明卒

上諭誠明由清漪園苑丞洊授今職當差勤慎茲聞溘逝殊堪軫惜伊

子隆章隆申均加恩以主事用

詔都統春佑開總管內務府大臣之缺以前奉錦山海道貴寶為總管內

務府大臣

十二日癸未晨及上午曙霽相間午霽下午雨數作傍晚曙  
作書致松谿以若農師所交銀屬轉致黃研芳 為孫鏡江題  
太山殘碑即作書還之 作書致陳逸山 得松谿復逸山復  
鮑益甫來牧莊來 得子鎮書并近作題墨雞七古即復  
逸山來

十三日甲申曙 早起偕梅卿詣西鄰看屋 跋丈來 午痔  
發憊甚 得子鎮書并新作夏夜飲越縵記駢文一首紀舟夕之  
聚也其文修潔名雋得魏晉之骨宋齊之韻 傍晚詣朱官夫新  
自餘姚入都者談數頃而出荅詣袁子九胡石查俱不值以近作索

畫詞致石查夜歸

新知慶遠府董扁生來同年林國柱編修

來俱不晤

夜作書致子鎮

得梅仙書言舍弟部照事已託胡雲

榴即復

庭梧新葉映月娟然賞玩久之

邸鈔文祥奏請開缺

詔再賞假兩月

十四日乙酉晨及上午暝午後暝雲相間

得紱丈書即復鮑益

甫敦甫兄弟邀飲廣和居偕梅卿至北半截胡同看屋後即赴之

晤牧莊婁秉衡午後詣紫泉久談哺至保安寺街看屋而歸

夜坐庭中忽有零雨稍定月出四更後雨作

邸鈔

上諭巡視西城文保等奏本月十一日宗室德明額等在海玉軒茶館因事械

毆突至西城坊署喊嚷門窗均被毀壞現在訊錄供詞請旨辦理等語案  
關宗室覺羅人在關廟地面持械毆毀壞衙署亟宜徹底根究著刑部  
會同宗人府迅傳富五富成英壽德明額桂盛鳳曉到案並嚴拏在逃之桂  
三等一併嚴訊究辦以儆凶頑

十五日丙戌昧爽大霑雨至已稍止晡暉 河南周小田邀飲廣和居

佐片辭之小田名文浚文勤從兄弟子其父官潼商道小田以湖北候補知府

今年中進士矣 教莊來 是日得詞一首 夜涼有月

綠意

夏日潘坡庭丈枉過軒堂次日書來有柳絲花影恍到江南之語因讀其意賦此奉酬

牽蘿小住借。籬籬。蔓架商量。巡暑過了。花時猶有清陰。消得幾番  
梅雨垂楊。金縷無人惜。枉自學。漢宮新舞。最情數。榴芭蕉。解展綠窗

愁緒多少紅芳嫁後指雙鬢漸見星如許此去江南便問鴛鴦  
也道凌波非故橫塘舊種田葉怕瀉盡盤心清露等甚時共載  
吳娃醉徧五湖深處

十六日丁亥曜 節孝張太孺人生日供紫饌午後數事 始以西

瓜薦先 寫詞致紱丈 子縝來 許怡卿同年來 蕭山湯鼎

煊庶常來不見 金忠甫約十九日飲東昇堂辭之 牧莊來 晚

偕牧莊子縝梅卿坐梧柳間清談劇甚繼以紫食至甲夜後子縝

先去牧莊止宿相與看月連兩夜而寢是夕望

十七日戊子曜 閱唐潁川王訓等碧落碑不特字畫高出岵臺銘繼

雲城隍碑其假借通正亦深有裨於小學顧亭林金石文字記中首稱重

之至錢竹汀氏及其從子同人推許之甚至而同人為辨其原流疏通  
證明尤得竅要蓋唐人溺於詩賦不重六書古人器物碑碣銘識  
之屬絕不留意存鄉秦望山上李斯刻石據梁書范雲傳言齊建元  
初竟陵王子良為會稽太守會游秦望視刻石文時莫能識雲獨  
誦之是秦碑齊梁時固無恙又北魏孝文弔比干墓文後有宋人吳  
處厚跋言會稽齊唐言兒時嘗登秦望山見秦碑猶存李斯既仕宦四  
方至是而歸則碑已止矣案齊尚書為大厯以後人是秦碑止於中  
唐時可知當日風氣全不知有篆籀之學雖古物如秦碑亦任其毀  
棄要有人過問者宜其見碧落此文岸然駭怪好事者又造為道士  
白鶴之異以神其說也乃趙明誠既輕視之而郭宗昌詆之尤力宗昌

何人亦浮游之安臧矣 得紱丈書見眎味予綠意詞一首清婉極

得南宋風味 再得紱丈書偕今年日記即復 作書致甯夫并吳

玉粟回書 見郎鈔楊子恂散館補引見以部屬用 夜月佳甚

子縝書來少貧招飲瑞春已臥不往

十八日己丑晨醒上午數霽午有雨數點即止哺哩哺後又霽晚姓

再得紱丈書俱偕書 徐金坡同年 鑒來湖南人翁戶部學歲來

俱不見錢振常禮部來不晤 子縝少貧來談至夜飯後去

得孫鏡江書以所購五瑞圖西狹頌求審定即復 是日早起洗

桐蒴竹終日營：至晚倦甚梅卿邀飲綺春不往初更月出清

皎如晝 得紱丈書論疏影綠意兩調同異兼贈沈隱之詞即復

邱鈔順天府府尹彭祖賢丁母憂以翰林院侍讀學士楊慶麟  
為順天府府尹以左春坊左庶子許應騤署理國子監祭酒

十九日庚寅哩有風

得子續書即復

吳玉栗薦僕人岑福

得朱蓉生書交來蔣約夫賻銀四兩即復以所賻銀及舊日許怡卿  
交來京錢二十六千俱託梅卿彙付 逸山約廿日飲其鄉人蔡氏之

家 再得官夫書偕玉函山房書目俱復 得紱丈書再偕太平廣

記即復

第頭

仁和周伯蓀編修蘭

今日開弔送京錢四千

閱清夢齋詞長洲沈傳桂隱之箸隱之一字閨生為道光吳中七子  
之一其詞分五種曰鶯天笛夜新聲曰今雪雅餘曰蘭騷賸譜只臨  
印琴弄曰霏玉集每種皆有小引其總目下有短序皆駢語極幽雋

之致所作長調為多嚴於陰陽去上之辨研求律呂與其曹耦又順卿偕同志而辭情妍雅寄託清深迥非順卿俚率槎枒所堪並語小臨叩琴弄皆閒情之作蓋仿朱竹垞之靜志居琴趣霏玉集皆集詞中成句亦仿竹垞之蕃錦齋有吳嘉淦序及閔生自序亦皆集詞句又仿黃唐堂之香屑集序也詞都為一冊尚有潘功甫董翰

卿

國華

蔣子于志擬

三序文皆小品可觀

閔生著有東雲草堂詩文集鮑葉蘭詩彙已燬於兵火此集為重刻本

郎鈔潘祖蔭謝以三品京堂候補恩

此昨日旨也何以不見郎鈔蓋因捐修國明國議叙加恩耳

二十日辛卯晨至巳曙午後曙雲相間晡曙晡後雲徧晚小雨即

止早起復洗桐旋出門答拜唐庶常諸庶常王松銘朱竹卿

蒼生喬梓林編修湯庶常翁戶部學箴戴吏部錫鈞金忠甫

陶少箕子縝羊辛楣袁爽秋周小田孫鏡江晤蓉生忠甫子縝辛  
穉爽秋鏡江下干歸 得盛伯希書跋丈書 黃紉芳來

得甯夫書即復

晡後答拜董太守賀跋丈伯寅喬梓答

拜徐金坡俱不值晚赴梅卿綺春之招子縝書來邀飲桐枝  
家不往偕鏡江梅卿琴香秋菱夜飲子縝少箕鳳洲亦至四更  
時歸是夕有小雨

二十一日壬辰曜

朱蓉生來

作書致伯希

作書致子縝

孫鏡江來遂偕梅卿各坐車入宣武門進西安門經金釐玉鏤  
橋紅芙蓉零綠蘆漸老出地安門至十剎海生柳陰下觀荷  
花為稻田所占較昔年少十分之三矣啜茶說餅逾時而還復

入地安門循煤山而東出東安門正陽門鏡江邀飲太豐樓予招  
秋濩梅卿招飲琴香酒甫闌子鍊仲修紫泉以質程黻卿亦至復  
飲入夜予邀諸君飲秋濩家三更後歸四日來辨色即起雞鳴  
始寢困劣幾不能堪無謂甚矣是日付秋濩酒錢三十千賞其  
僕十二千少質來新分戶部主事唐登瀛來海銀來俱不  
值

二十二日癸巳晨至午後暝晡後大風雷雨傍晚姓有斷虹見  
於東再得紱丈書即復作書致逸山辭飲券甚臥  
閱金石萃編時時睡去

邸鈔以宗人府理事官嵩溥為通政司參議掌京畿道御

校書 聖朝金史 言 彙集

史王道源升吏科給事中

二十三日甲午曜

仲修來

孫鏡江約聽戲不往

感涼小

極終日臥閱金石萃編

鄭暉吉來不晤

師鈔右中允張鵬翼轉左中允檢討王慶祺補右中允

二十四日乙未曜

病寒身熱不食

紱丈來不晤

得子縝

書

師鈔副都統恩來補荊州右翼副都統

二十五日丙申晨曜上午霽有微雨午曜下午大雨傾注雷電入

晚雨始止

得劉仙洲書送來鴈山師所贖蔣約夫銀十兩屬轉

交即復

胡石查來見晤王石谷所畫九夏松風圖長卷極稱樹

竹樹荷芰之觀 為三妹作小楷書團扇 程黻卿同年底掉

來其人通算學留心西洋事以方臥不晤 自昨夕患欬軟身

仍熱夜飯盡一器許 付片福工食錢六千黏釘舊書錢三

千五百高粱橋薄脆餅錢三千四百

師鈔總兵<sup>周</sup>福太補湖北宜昌鎮總兵

二十六日丁酉丑正二刻一分五秋七月甲曜上午數霧 得金

忠甫書 作書致子縝 作書致松筠薦僕人王福 得子

縝書 孫鏡江來不晤 比日臥閱金石萃編數有唐一代述

養附案牘扁甚多往有明見兩唐書而不知檢覆者然淹貫

經籍苟通訓詁其浩博終不可及近來輕薄小兒率意詆之多

見其不知量已

郎鈔御前行走喀爾喀札薩克親王達爾瑪卒

詔賞陀羅經

被派睿親王德長帶領侍衛十員往奠給廣儲司銀一千兩經理喪事伊子那彥吐年八歲俟百日孝滿後即襲王爵

詔前任內閣學士翁同龢仍在弘德殿行走

上諭御史鄧承修奏賤役冒籍捐考請旨斥革一摺候選直隸州知州黃

督署

王錫即黃翰齋又名黃壽田曾在兩廣總內充當門丁輒敢冒入番禺縣

籍蒙捐官職復令其子黃章俊蒙混應試幸列優生賤役蒙捐冒考

應嚴行懲辦黃天錫及其子黃章俊均著即行斥革交兩廣總督

廣東巡撫飭令地方官追繳執照按律懲辦

二十七日戊戌曜

雅齋來不晤

少賓來

是日偕梅卿定

寓北半截胡同衙宋氏之屋各付京錢百六十八文令車卒往交  
宋氏忽車卒逸去使其僮來告宋氏不肖賃屋所付之錢已遺  
之涂矣京師人詭險百出可駭也 疾未瘳夜歎嗽甚

二十八日己亥晨曜上午數雲午後霽

鍾仲和同年來寶座

常同年寶昌來俱不晤

趙心泉來周小田來小田邀飲廣和

居辭之

以昨終夕歎年德甚多臥

力疾為人書像面二 是

日命寶鑒毛昶熙魁齡放取內閣中書文題如有王者必世而後  
仁 夜初更後雨作三更大雨

師鈔翰林院侍讀學士李文田奏請開缺回籍養親 許之

內大臣正紅旗蒙古都統奕山奏年光步履艱難請開缺調理  
許之仍畱一等鎮國將軍加恩賞食全俸

文祥病痊請安

二十九日庚子未伏小盡暉

偕梅卿同車至琉璃廠看屋又至蘇

花胡同看屋俱不可居者訪陳逸山暢談而歸

湯底常鼎煊

來不值

作書致子縝致紫泉致芻庭

子縝來

得王松

韜書芻庭復書

是日所失錢票俱追得賞追者十千

邱鈔肅親王隆勲補授內大臣尚書卑保補授正紅旗蒙古

都統